



Indgået

4 JAN. 2017

Mala Høy Kuko, Atassut
Inatsisartut,
Maani/

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqquteqaammut nr 277-imut akissutit

30-12-2016
Sulap nr. 2016 - 19723
All. nr. 4250123

Inatsisartut suleriaasissaanni § 37, imm. 1 naapertorlugu Naalakkersuisunut apeqquteqaateqarputit. Apeqqutit uanga suliaasaqarfigisannit akineqartussanngorlugit innersuunneqarput. Apeqqutigineqartut akineqarnissaannut paasissutissanik Royal Greenland A/S-imit aamma Inuussutissarsionermut, Suliffeqarnermut, Niuernermut Nukissiornermullu Naalakkersuisoqarfimmit pissarsiniartoqarsimavoq.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

Apeqqut:

1. Tunumi Tasiilami avaleraasartuunik/aalisakkanik tunitsivittaarniarneq sumut suliaq killeqarpa?

Akissut: Ingerlatseqatigiiffik Greenland Pelagic Fisheries, Polar Seafoodimit, J-mar-imit aamma Royal Greenlandimit pigineqartoq, piffissami sivirusunerusumi Tasiilami aalisakkanut ikerinnarsiortunut suliffissuartaarnissamik pilersaarutitik ingerlatsisimavoq. Pilersaarutit taakku piviusunngortinneqarsinnaasimanngillat, taamaattumik Greenland Pelagic Fisheries Tasiilami aalisakkanut ikerinnarsiortunut suliffissuartaarnissamik pilersaarutaarussimavoq.

2. Naalakkersuisut qanoq pimoorutsigivaat Tasiilami tunitsivittaarniarneq?

Akissut: Tasiilami aalisakkanut ikerinnarsiortunut tunitsiveqalernissaanik pimoorussisumik suliniutit Naalakkersuisunit pitsaasutut isigineqarput.

3. Suut piareersarneqarnikuuppat tunitsivittaarnissaq siunertaralugu?

Akissut: Ukiuni kingullerni pingasuni Naalakkersuisut Tunumi avaleraasartooriarluni, ammassassuarniarluni aamma saarullemanik pisaqarniarluni misileraalluni aalisarnerit pilersittarsimavaat. Tamakku aallaaviusimapput inuussutissarsiutigalugu aalisartoqarsinnaaneranut periarfissat kiisalu tunitsiviusinnaasut erseqqissaaviginiarlugit.

4. Tunitsivittaassappat umiarsuit sorliit tunitsivissamut tulaassuisussaataasappat?

Akissut: Tamatumani apeqqutaassaaq pilersaarutit ilusilersorneqarsimaneerat. Pilersaarutaasup ilusilersorsimanera ingerlatseqatigiiffimmit Tasiilami tunitsivimmik pilersitsiniarluni kissaateqartumit allaaserineqarsimassaaq.

5. Tunitsivissaq qanoq akeqassava sananeqarnissaa?

Akissut: Royal Greenland-ip nalunaarutigaa, missingiummik akigitartik 600-700 mio. koruunit akornaniissimasoq.

6. Sorpiaanukua aallaavigalugit sananeqarnissaa taamatut akisutigilersoq?

Akissut: Royal Greenlandip nalunaarutigaa, akip taamatut qaffasitsigineranut pissutaammata, suliffissuaq assut annertuumik naammassisaqarsinnaasus-saq pineqarmat kiisalu attaveqaatini annertuumik aningaasaliisoqarsimanis-saa.

7. Kikkut tunitsivissaq sananissaanik pilersaaruteqartoqarpa?

Akissut: Piffissami maannakkuugallartoq ingerlatseqatigiiffeqanngilaq, Tunu-mi aalisakkanut ikerinnarsiortunut tunitsiviliorinissamik pilersaaruteqartu-mik.

8. Tasiilami imermik piareersimasoqarpa ? Innaallagiarmi?

Akissut: Inuussutissarsiornermut, Suliffeqarnermut, Niuernermit Nukissior-nermullu Naalakkersuisoqarfiup nalunaarutigini kuuaa, Nukissiorfiit imermik pilersuisinnaassutsikkut naammassisaqarsinnaassuseq pillugu aamma Tasiilami § 37-imut apeqqummut matumunnga attuumassuteqartumik innaalla-gissakkut naammassisaqarsinnaaneq pillugu imatut nalunaaruteqarni-kuummat:

Piffissat ilaanni Nukissiorfiit Tasiilami aalisakkanik suliffissuarnik nutaanik angisuunik pilersitsinnaanermut attuumassuteqartumik innaallagissamik imermillu pilersuisinnaaneq pillugu qinnuteqaatinik tigusaqartarpoq.

Nukissiorfinnit qinnuteqaatit ataasiakkaarlugit suliarineqartarput pilersorne-qarnissamik annertussutsitut kissaatigisanut tunngatillugit.

Nalinginnaasumik imermik tunisassiorneq naammappoq aalisakkanik sulif-fissuarnik pilersuinissamut, soorluttaaq Tasiilami imeqarfik annertussutsinik kissaatigineqartunik pilersuinissamut pisariaqartinneqartumik naammassisa-qarsinnaassuseqartoq. Manna tikillugu killiliisumik aalajangiisuusimasoq ime-qarfiup aamma suliffissuup inissisimanerani imermik pilersuiviit aqqutaannut attuumassuteqarpoq. Taamaattumik pisariaqalersinnaavoq, suliniutinik alla-nik suliarinnittariaqalerneq soorlu assersuutigalugu suliffissuarni imermut tankimik killiliisinnaasoqarnissaanik piumasaqaateqartoqarsinnaanera.

Innaallagissamik pilersuineq killeqarpoq qaqugukkulluunniit imeqarfimmi aamma dieselimik ingerlateqartumik nukissiorfimmi tunisassiorsinnaanikkut naammassisaqarsinnaassutsimi. Nukissiorfiit pilersaarutigaat 2017-imi ime-qarfiusup pitsaanerpaanngortinneqarnissaa, taamaasilluni nukik tunisassia-rineqartarpoq annertuumik qaffatsinneqarluni. Tamatumani pineqarput ilaa-tigut imeqarfiusumi teknikkikkut pitsanngorsaanerit, ilaatigullu imeqarfiusup annertusisinneqarsinnaanera.

Tamatumunnga atasumik ilanngullugu misissuinerit ingerlanneqarput ilassu-
taasumik imeqarfiusinnaasumik pilersitsisinaanissaq siunertaralugu.
Tamannali manna tikillugu pilersaarusiornermiippoq, tassami paasissutissa-
nik amerlanerusunik pissarsisoqaqqaassammat tamanna pillugu aalajangi-
soqannginnerani.

Inussiarnersumik Inuulluaqqusillunga


Hans Enoksen